



LAPORAN LIPUTAN MEDIA

KHAMIS / 9 MAY 2019

- 1. NAFAS JAMIN BEKAL BAJA PADI IKUT JADUAL**
 - **UTUSAN MALAYSIA**
- 2. DESAKAN HENTI USAHA BENTANG RUU KUALITI BENIH TANAMAN**
 - **BERITA HARIAN**
- 3. LIBATKAN PETANI SEBELUM BENTANG RUU KUALITI BENIH**
 - **KOSMO**

DISEDIAKAN OLEH :
CAWANGAN KOMUNIKASI KORPORAT
(MADA)

KERATAN AKHBAR : UTUSAN MALAYSIA

TARIKH : 9 MAY 2019

PERKARA : PERTANIAN

Nafas jamin bekal baja padi ikut jadual - Phahrolrazi

ALOR SETAR 8 Mei - Pertubuhan Peladang Kebangsaan (Nafas) memberi jaminan bekalan baja padi kepada pesawah kawasan Lembaga Kemajuan Pertanian Muda (MADA) di negeri ini dan Perlis akan diedarkan mengikut jadual yang ditetapkan.

Pengerusi Nafas, Datuk Ir. Phahrolrazi Mohd. Zawawi berkata, kesemua 22,041 tan metrik baja tersebut akan dibekalkan secara berperingkat menjelang akhir bulan ini berdasarkan tarikh pesanan yang dilakukan Pertubuhan Peladang Kawasan (PPK) masing-masing.

Menurutnya, tidak timbul isu kelewatan seperti dibangkitkan para petani kerana mengikut prosedur ditetapkan, pembekalan baja itu perlu dibuat selewat-lewatnya 30 hari selepas pesanan diterima.

"Sehingga 30 April lalu, sebanyak 21,500 tan metrik pesanan baja diterima daripada MADA dan daripada jumlah itu, sebanyak 7,718 tan metrik atau 35.89 peratus baja telah dibekalkan kepada pesawah.

"Manakala baki 14,323 tan metrik baja padi akan disalurkan secara berperingkat sehingga 31 Mei ini seperti mana prosedur pembekalan yang ditetapkan," katanya dalam sidang akhbar di sini hari ini.

Utusan Malaysia hari ini melaporkan, kira-kira 68,000 pesawah kawasan MADA bimbang apabila bekalan baja bagi musim pertama tahun ini masih belum diedarkan walaupun sebahagian mereka sudah menjalankan kerja-kerja menabur benih padi di bendang masing-masing ketika ini.

Mengulas lanjut, Phahrolrazi berkata, Nafas tidak mempunyai sebarang masalah untuk membekalkan baja terbabit kerana mempunyai simpanan stok baja yang mencukupi, malah pihaknya

komited untuk membuat pembekalan seawal minggu pertama bulan lalu walaupun kontrak lanjutan pembekalan hanya diterima pada 5 April.

Berkaitan dakwaan terdapat PPK yang belum menjalankan banciaan baja di kawasan masing-masing, beliau berkata, proses tersebut hanya untuk kegunaan musim kedua tahun ini.

"Bagi musim pertama tahun ini, kita menggunakan rekod pembekalan baja yang sedia ada, jadi pesawah yang belum terlibat dengan banciaan untuk musim pertama jangan bimbang kerana baja akan tetap diedarkan kepada mereka dalam tempoh ditetapkan," katanya.



PHAHROLRAZI MOHD. ZAWAWI

KERATAN AKHBAR : BERITA HARIAN

TARIKH : 9 MAY 2019

PERKARA : PERTANIAN (RUU)

Desakan henti usaha bentang RUU Kualiti Benih Tanaman

Kuala Lumpur: Kementerian Pertanian dan Industri Asas Tani didesak menghentikan usaha pembentangan Rang Undang-Undang (RUU) Kualiti Benih Tanaman 2019 pada sidang Parlimen, Julai ini.

Penyelaras Forum Keselamatan dan Kedaulatan Makanan Malaysia, Fitri Amir Muhammad, berkata pihaknya dimaklumkan kerajaan giat menjalankan sesi libat urus dengan pihak berkaitan bagi mendapatkan maklum balas berhubung RUU berkenaan.

Sehubungan itu, katanya, jalan terbaik untuk mengelak kepincangan dalam aspek penggubalan dasar dan kesan terhadap pasaran domestik membabitkan industri tanaman negara ialah dengan menunda pembentangan RUU Kualiti Benih Tanaman 2019.

"Jangan bentang dulu selagi be-

lum berbincang dengan pertubuhan bukan kerajaan (NGO) berkaitan dan petani sendiri kerana RUU ini menyentuh kepentingan dan masa depan mereka.

"Kita akui belum diberi peluang meneliti kandungannya, justeru dedahkan isi RUU terbabit kepada umum kerana setiap perundangan yang ingin diperkenalkan mesti demi kesejahteraan petani dan kedaulatan makanan negara.

"Penggubalan perundangan juga tidak wajar mengorbankan hak dan kebebasan amalan penyimpanan benih serta sistem pertanian secara tradisi," katanya pada sidang media, di sini, semalam.

Salinan memorandum berhubung perkara berkenaan difahamkan sudah dihantar kepada Perdana Menteri, Tun Dr Mahathir Mohamad; Timbalan Perdana Menteri, Datuk Seri Dr Wan Azizah



Kita akui belum diberi peluang meneliti kandungannya, justeru dedahkan isi RUU terbabit kepada umum kerana setiap perundangan yang ingin diperkenalkan mesti demi kesejahteraan petani dan kedaulatan makanan negara"

Fitri Amir Muhammad,
Penyelaras Forum Keselamatan dan Kedaulatan Makanan Malaysia

Wan Ismail serta Menteri Pertanian dan Industri Asas Tani, Datuk Salahuddin Ayub, semalam.

Fitri berkata, antara tujuan pembentangan RUU itu ialah menangani pengedaran bekalan benih padi tidak sah yang didakwa semakin berleluasa di pasaran.

Undang-undang sedia ada relevan

Bagaimanapun, beliau menyifatkan langkah berkenaan tidak wajar dilaksanakan kerana Seksyen Kawal Selia Padi dan Beras menerusi Kementerian Pertanian dan Industri Asas Tani mempunyai prosedur operasi standard (SOP) yang masih relevan.

"Memang undang-undang sedia ada cukup untuk membanteras penjualan atau kemasukan benih lain dan dari luar negara, cuma yang perlu diberi penekanan ialah

aspek penguatkuasaan terhadap Sistem Amalan Pertanian (SAP) satu hingga 10," katanya.

Pengaruh Program Third World Network (TWN), Chee Yoke Ling, ketika mengulas isu sama mendakwa kegiatan monopoli bekalan benih tanaman akan berlaku sekiranya RUU berkenaan diluluskan di Parlimen.

Selain itu, katanya, kesan rantaian daripada pelaksanaan perundangan berkenaan akan menyaksikan peningkatan harga produk hasil tanaman di pasaran, sekali gus memberikan bebanan tambahan terhadap kos hidup rakyat.

"Pilihan makanan di pasaran akan merudum kerana kerajaan akan mengawal jenis benih tanaman yang boleh ditanam menerusi bekalan terus, justeru ini antara masalah kaedah monokultur," katanya.

Berita Harian 9/5/2019

KERATAN AKHBAR : KOSMO

TARIKH : 9 MAY 2019

PERKARA : PERTANIAN (RUU)

Libatkan petani sebelum bentang RUU Kualiti Benih

KUALA LUMPUR - Kerajaan diminta melibatkan golongan petani dan organisasi masyarakat sebelum teks Rang Undang-Undang Kualiti Benih dibentangkan di Parlimen.

Koordinator Forum Keselamatan dan Kedaulatan Makanan Malaysia, Nur Fitri Amir Muhammad berkata, pihaknya juga sudah menghantar memorandum berhubung perkara tersebut kepada Perdana Menteri, Tun Dr Mahathir Mohamad dan Timbalan Perdana Menteri, Datuk Seri Dr. Wan Azizah Wan Ismail pada Selasa lalu.

Nur Fitri berkata, memorandum sama turut dihantar kepada Menteri Pertanian dan Industri Asas Tani, Datuk Sallehuddin Ayub serta Menteri Air,



NUR FITRI (empat dari kiri) bersama wakil NGO Petani memegang salinan memorandum pada sidang akhbar di Kuala Lumpur semalam.

Tanah dan Sumber Asli, Dr. Xavier Jayakumar.

"Memorandum itu menyatakan bahawa undang-undang

pensijilan benih boleh mempunyai kesan negatif apabila terdapat pengawalan kualiti terhadap petani dan benih tanaman di ne-

garu ini.

"Menerusi kajian yang kami jalankan, undang-undang benih tersebut akan menimbulkan beberapa kebimbangan seperti melarang amalan penyimpanan, menggalakkan amalan monokultur seterusnya akan berlaku pilihan benih yang terhad di pasaran," katanya pada sidang akhbar di Dewan Perhimpunan Cina Kuala Lumpur dan Selangor di sini semalam.

Jelasnya, rang undang-undang tersebut juga dipercayai bercanggah dengan perjanjian dan konvensyen antarabangsa yang melindungi hak-hak petani serta biodiversiti tanaman yang disertai Malaysia.

"Kami turut meminta pihak Kementerian Pertanian dan In-

dustri Asas Tani untuk mendedahkan teks rang undang-undang tersebut kepada umum selain berunding dengan organisasi membabitkan petani sebelum membentangkannya di Parlimen.

"Kumpulan petani perlu dilibatkan secara langsung dalam proses membuat keputusan berkenaan rang undang-undang benih tersebut," katanya.

Pada 8 April lalu, Ketua Setiausaha Kementerian Pertanian dan Industri Asas Tani, Datuk Mohd. Sallehuddin Hassan mengumumkan satu rang undang-undang baharu berkaitan benih sedang digubal untuk mengawal dan menangani pengedaran haram benih di pasaran.